

四庫全書

集部

欽定四庫全書

宋詩紀事卷八十三

錢塘厲鶚撰

陶崇

訪僧歸雲菴

閒過選佛場歸雲翠如潑入門偶有言啟頗師便喝掩
耳煨芋爐但把火深撥呼童酌玉虹注之梅檀鉢噓灰
然微紅橫鐺水煎活茶酣登甲亭雙眸爲之豁烏啼空
山幽翔集來木末風月一何佳團圞共批抹悠然澹忘

歸于茲得解脫

粵西詩載

朱子恭

昭義驛

霜林紅葉襯梧花路轉崖根百尺斜
霽日斷雲成徙倚

湘南秋盡未還家

桂林府志

裴迪

題來賢亭

常侍江東第一流
子孫今不泯
先猷築亭意在來賢者

誰慕清風爲少畱

徐鉉別傳鉉世居攝山之陽園池甚盛宅有來賢亭宋裴迪詩云云

黃軫

延慶寺

寶刹標奇處烟蘿響亂流地靈僧得住山好客多遊燈

影連金像鐘聲散石樓風雷等閑作咫尺是龍湫

赤城詩集

鄭國華

何志熙

合題昌州牛尾驛

龍尾道中退朝客雕鞍寶馬黃金勒誰憐遠使足馳驅

夜半孤村牛尾驛

鄭國華
畱題

十年去國真悠悠祇今便可

行歸休平生意氣羞牛後去踏金鰲頂上游

何志熙續
三韻全

蜀藝文志

鄧諫從

題巫山瞻華亭

峻嶒玉削三千丈翠潑嵐光冷相向風會太古雲氣長
變化溟濛紛萬象陰晴一日具四時天籟壑深虛自響

神仙娟妙擢羣參錦繡鋪張獻奇狀蟠根積鐵匯百川
龍矯蛟翻饒跌宕勢連三楚此開國故壘荒宮帶溪凜
樓臺井邑老風烟環佩清聞駐仙仗竹林風味便讀易
久與江山爲輩行鳴弦餘暇豁心眼戲著飛闌雲雨上
爽明自可達壅蔽野獲又多勞草創政和民氣長似春
景迴心平過于掌征鴻明滅志何杳黃鵠追隨意尤放
當年李杜經行處太史銀鉤刻青嶂寶刀珠瑟出耕墾
曲水纖腰迷草莽牢盆古隸雜秦篆飛動閑摹永平樣

珊瑚交柯迴不蝕髣髴將軍勛業壯英雄繁盛隨流水
時有竹枝賡牧唱孔泉文物起騷經國色明妃守孤尚
我家蛾眉紫翠間爲愛奇峯甘蒟醬秋風野水憶絲蓴

擊汰夷猶理煙榜

四川總志

鄧宗度

黃山雜詠

十四歲作

桃花峯

劉阮辭世塵桃花誰復主無計殢春風一夜零紅雨

祥符寺

雲水最饒處輪蹄無到時夜蟾生佛面春雪印僧眉

黃山

志

潘朝英

善濟寺

在臨海縣金鼇山

春潮暮落海門山百艇齊飛牡蠣灘分得魚蝦歸野市
滿江鷗鷺夕陽閑

倦客登臨力已疲高僧故索小窗詩江山最好君知否

春去秋來烟雨時

台州府志

汪士深

昭亭祠

靈祠俯江國棟宇依層巒千峯遠岿堯二水渺迴環昭
明肅清境髣髴聞和鑒藹藹集嘉祉芬芬奠椒蘭精神
一以展遐眺憑飛闌昔賢有高躅寄墨青雲間瓊瑤刻
蒼翠筆勢迴翔鸞高峯一回首日落天風寒

寧國府志

霍權

題景呂堂

佞人巧求售富貴一息頃千古名不磨寸心猶耿耿偉哉正惠孫疾惡何勇猛平生歷宦途南臺與東省初著獬豸冠排擊首權倖姦雄始萌蘖憤切已骨鯁一片忠義心皦皦從簿領涵養老益壯大節堅晚景若人久云亡冰魂嗟已冷羨慕徒馳神反身盍三省

寧國府志

周光嶽

長沙

江上南風起白蘋
長沙城郭異咸秦
故鄉猶自嫌卑溼
何況當時賦鵬人

湖廣總志

樊圃

圃奉化主簿

詠慈氏院杜鵑

鵑屈如鳳

山僧取巧蟠珍叢
九苞占盡千葩紅
倚蘭精彩欲飛動

百鳥不敢啼春風

延祐四明志

吳致堯

五蓋山

紫蓋修連延五峯似隨軒何如惠我民飛雪遍岡原

柳州

文志

饒南強

禪峯寺

禪山喬木飽蒼烟柿葉能來老鄭虔樓閣暮寒風鐵定

與僧翦燭對牀眠

杭州府志

徐師仁

登瑞巖山

攜筇登絕巘，朝爽薄危闌。
乘勝移杯罍，憑高憶羽翰。
泉聲穿石響，樹色入秋寒。
對酒頻長望，心同渤海寬。

福州府志

吳宣德

題西巖院

幽村分野徑，勝地絕浮埃。
殿閉烟霞靜，門臨水石開。
日斜山影背，泉落雨聲來。
故里經年別，祇園首重回。

翰墨大全

孫文叔

絕句

宮柳垂垂拂苑牆
啼鶯驚夢暗心傷
起來羞見空中絮
也得隨風入御牀

廣羣芳譜

徐蘭皋

流杯池

在潭州城北五代楚王馬希範所鑿爲上巳宴遊地

梵王宮闕馬王宮
惟有樓臺帶舊風
屬玉不知人事改
雙雙飛入藕花叢

長沙府志

吳師正

桃源洞

天台春暖蘭苔馨海榴吐血黃鳥鳴風晴雨霽洞天曉
畫屏有路遊人行劉郎阮郎剡溪客結伴窮幽絕人跡
洞口遙聞漱玉聲時有飄英點溪碧捫蘿涉水前攀緣
瞥見勝景層崖巔夭桃瓊草蔓深谷飛流傑閣凌青烟
潭上金橋跨龍背綽約雙鸞飲潭水初疑帝子別瀟湘
珠佩珊珊來玉趾瓌姿瑋態躊躇久熟視人間未嘗有
羅慢深沉邀客畱胡麻爲飯椒漿酒問卽于此何當還

壺中景好非塵寰客驚遽返覓鄉里子孫在在皆重元
年華瞬息歎浮世往事分明如夢寐相與重尋舊路悲
亂山稠疊烟霞蔽我來躡屐求遺蹤松陰坐久曾不逢
野僧相引下山宿落霞斜日林梢紅

天台山志

文天祐

天祐九江人

送人往湖南

雁拖秋月洞庭邊客路淒涼野菊天雲隔酒尊橫北海

風吹詩史落西川夜深鬼火千山雪春後梅花一樹烟
爲我祝融峯上看朝暾赤處禮蓬仙

洞庭君山詩集

黃山聽琴

歲晏抱琴入室處楫桡燒殘聽風雨有客五弦彈太古
埽空恩怨不兒女汙樽杯飲擊土鼓如與羲軒相對語
又如重華坐舜臯萬物長養不苦窳聞君澹然太古音
感君悠悠太古心古意古意誰能識古人古人何處尋

黃山志

甄圭

閒居

深塢人稀到重門
晝亦關白雲
秋舍靜明月
夜窗閒徑
掩花開落簾
通燕往還窮
居聊自適
卻憶謝東山

越詠

孫邁

游齊山寺尋陳鴻斷碑

萬木森天繞寺籬
一聲孤磬徹江湄
樓邊已失陳鴻記
亭上猶存杜牧詩
細雨乍經巖溜響
嫩苔長積石橋危

知予好古心常切僧與前山覓斷碑

池州府志

張天啟

岳陽樓

天入平湖遠樓深納霽華青山藏福地碧樹記人家
水落魚龍蟄風高雁鷺斜古來形勝地何事憶長沙

湖廣通志

楊詢

遊齊山寺

金刹岩堯挂斷霓島雲沮如暗窗扉江風曉定釣人出

山月夜明禪客歸徑畔芭蕉曾有喻庭前柏樹本無機
我來重見當時叟紙帳松房綻衲衣

齊山詩集

朱嚴伯

嚴伯樂清人號可以翁

書延福寺壁

雙瀑飛來古寺西月蘿烟草久湮迷自從我輩經行後
便覺他山索價低老去合爲三徑計就中聊借一枝棲
石崖大有穿磨所從與新詩著處題

東甌詩集

王申

寶林寺

千載寶林寺清幽每往還
兩潮巖上井一塔寺中山門
對荒城冷鄰分古縣閑道人
高處坐役役笑塵寰

越吟

蕭磬

桂州

吟拾江邊金翠羽醉騎海上玉麟腰
清談試茗遊冰井

至樂觀魚出檻橋

淵鑒類函

張仁

鵝湖春色

平湖漾晴綠狎鷗自相逐歸艇小于孟輕帆曬蒲幅青
萍恣漂流白魚跳尺玉柳線牽人衣香林雨新沐汀尾
沙禽鳴人家映修竹步履隨春風席地傾醺醪玩樂當
何如回首炎威促

柘上遺詩

蘇莊

寄鶴林辛上人

苦憶長廊清磬音復懷贊公梅檀林陽坡佳木鳥相喚
澗戶曉行藤竹陰日晴山路筍蕨晚雨足野塘蒲稗深
短褐兀然聊戲劇滄江鷗鷺本無心

鶴林寺志

趙曾護

曾護南安主簿

游延福寺

行行出西郊稍覺囂塵遠風景旣已殊礪確頗忘倦南
安古雄州今亦壯哉縣九日一佳景居然在郊甸地高

瞰川原林杪露堂殿晉朝松百章存者才一見歲月不
我畱寒暑幾更變當年秦隱君軒冕非所羨閒關剡溪
來至此獲勝踐結廬巢其巔穴石爲之硯城市不到足
公卿罕窺面邂逅有至交相從情繾綣緬懷興元年致
位在台鉉扶持公道開不絕幾如綫一言才見疏斥逐
遽遭譴天教流落餘乃遂山林願當年築室處遺址了
難辨獨有高士峯千載援鶴怨

南安縣志

張國衡

水簾洞

在仙居披雲山

洞口鮫綃薄山心玉蘂浮殘雲挂疎影新月下空鉤白

鶴仙人去蒼苔石磴幽奇蹤看不倦旬日爲淹畱

台州府志

趙清源

天台石梁

何處覓靈蹤天台第一峯雲深唯見寺夜靜忽聞鐘卓

錫隨飛鶴談元起蟄龍石橋如有約跨月坐從容

天台志

王清叔

長淮晚望

目斷長淮渺莽中，孤城突兀倚層空。
寒砧幾許遞秋信，漁笛一聲橫晚風。
龍吐晴雲嵐氣白，鴉翻落日水天紅。
扁舟今夜宿何許，赤壁斷磯蘆葦叢。

中都志

陳睨

游曉覺寺

在長興縣

肩輿行到竹邊村，竹裏僧房盡閉門。
小洞頗聞三里近，殘僧僅有一人存。
旋沽薄酒欺寒力，未怯春泥踏雨痕。

笑覓梅花伴歸去斷橋流水月黃昏

湖州府志

唐公佐

三洲巖

峒裏光陰經幾春峒前蒼木垂千尋不知空谷當年事
誰識龐眉處士心殘月照人吞遠徼晚風吹夢入幽岑
我來須訪神仙宅好聽雲端環佩音

肇慶府志

陳蹇叔

送新茶李聖喻郎中

頭網別樣建溪春小壁蒼龍浪得名細瀉谷簾珠顆露
打成寒食杏花錫鷓鴣班梳面雲縈字兔褐甌心雪作泓
不侍清風生兩腋清風先向舌端生

淵鑑類函

方九功

菊花

露冷江蘋雁度時蕭蕭黃菊滿疎籬寒枝帶雨開仍豔
晚節凌霜賞未遲移傍小簷承綺席縱觀深夜倒金卮
摘來冉冉香盈把共泛西風醉莫辭

廣羣芳譜

章詡

詡昌化人

靜觀堂

在昌化縣覽溪上

杖策下層巔來憩雲外莊
簷低繞顏垣澹泊在一堂
山高戶牖虛風清長夏涼
翳翳動林影澌澌浮溪光
心遠與世隔獨有文史香
汲井恣嚙漱時藥助體強
園中橘爲奴沼內芰可裳
蒼官青不老籬下明秋芳
陶情在庶物養性歸琴觴
矯首起遐觀是中有濠梁

杭州府志

趙仲藏

福勝院

千騎踏清霜東游古道場雲籠山骨秀風引水聲長曉

日依稀暖寒花取次香後隨吹管急空谷蒼宮商

杭州府志

汪起莘

黃山歌

黃山高哉歸然爲江東之巨鎮兮壁立于兩浙之上游
摩天戛日以直上陽支陰派盤數州四海不知雨根本

行人但見雲飛浮嘗試芒屨竹杖造乎其間兮一溪桃
杏紅爛漫萬壑松柏寒颼颼懸崖絕磴可望不可到古
木倒挂險更遒上有靈泉千萬道如銀河爭瀉而競注
兮砮雷濺雪隱見穿林幽中有青鸞黃鶴千萬對雄倡
雌和迭舞而交鳴兮深林自適復有數點白雪之猿猴
山中自昔無厯日花開葉落成春秋殘陰脫穎不知其
所從來兮但見夫澗谷之間桃花如笠松花如纛竹葉
如扇蓮葉如舟菖蒲九節餽白鹿靈芝三秀眠青牛人

間三月春已暮洞中花卉春長畱奇香異氣逐風去散
落塵世誰能酬黃山高哉雲際一峯尚可畫雲外一峯
畫不得霜繒鋪了掉首休丹砂一峯燭天爭日月九龍
一峯拔地張旗梳天都一峯傑出于三十六峯兮星斗
森羅挂珠殿日月對展搖瓊樓中有一人兮龍冠而鳳
裘左容成兮右浮邱我時收卻釣竿樵具作一束投諸
曹院溪中流浴余身兮湯泉風余袂兮帶所搜

三字疑訛

鼓隱隱兮管啾啾水晶盤兮白玉甌帝酌我兮勞我左

右爲余兮凝眸指余以南峯石壁記授余以紅鉛黑汞
大丹頭黃山高哉余將攬秀巢雲鍊氣于其下坐令萬
物不生疵癘兮禾黍盈疇

黃山志

趙璩

送張達道還茅山

賸借紅塵一日閑有勞妙語徹幽關豈知隱几如南郭
也媿移文向北山有意清風憐我住無心孤月伴君還
三茅若問今消息爲報逍遙大地間

茅山志

程炎

炎涇縣隱士有烟水集

和趙守獨遊水西寺

吟月歌風酒力微
獨尋幽壑叩禪扉
泊隄小艇迎人渡
入水閑雲伴鶴飛
梅落半含冰雪思
石寒長覆薜蘿衣
水西景物還如舊
恨不相從倒載歸

寧國府志

朱升之

相湖

在仙居縣

世路羊腸淹客遊，塵纓來此濯清流。
半窗修竹翠含雨，一片澄湖冷浸秋。
地僻莓苔侵石几，機忘鷗鷺近漁舟。
夜涼酒醒未能睡，詩句欲成搔白頭。

台州府志

范良龔

良龔吳門人

妙庭觀

在富陽縣相傳爲董雙成故宅山下多董姓天聖中道士鑿地得丹鼎銅槃

我昔遨遊周八極，玉京金闕俱經歷。
翩然騎鳳下瑤池，始與雙成獲相識。
雙成侍宴王母傍，道貌方瞳照人碧。

玉笙吹徹奉瓊觴
范子從傷丐餘瀝
東方曼倩謂余言
汝亦名存地仙籍
鳳城南望好溪山
此是元君故仙宅
琉璃槃上存金鼎
鼎內丹砂如琥珀
汝能服食早歸來
與予同是逍遙客
我時貪醉蟠桃春
不記當年說仙蹟
一朝酒醒人世非
盤碎丹飛杳難覓
香風堂上久徘徊
蘇李題詩挂空壁
自注觀有太白東坡詩
孤雲野鶴謾興怨
我獨摩挲問金狄
世人勸我舐丹鼎
我亦何嘗苦營役
丈夫自有大還丹
得道不分今與昔

杭州府志

呂紘

黃犢嶺

在臨平山唐隱士邱丹遺迹

疇昔聞高隱紅塵隔遠林閑乘黃犢出踏破白雲深

杭州

府志

蔡中道

張公洞

天上騾蹤竟不迴洞門深閉密封苔神光夜燭燒丹竈
淑氣晴薰講易臺碧草春肥仙去遠紫芝雲暖鶴歸來

清游喜挾三茅客杖履凌空霧雨開

宋藝圃集

黃彥輝

古寺

古寺雲深去路賒來分僧鉢共生涯依稀池草成春夢
容易江梅老歲華長缺悲彈三尺雪短檠寒落五更花
夜來風雨催歸急爲報河陽令尹家

宋藝圃集

楊養晦

寒雲千疊山

在新昌縣南三十里

松竹陰森護上方老仙蓬髮一簪霜客來敲枕松風裏
歸夢不知山水長

越詠

劉說道

宿武夷觀

度溪造靈境臺殿隱山曲虛堂留白雲今夕得同宿扁
舟計已具清曉泛春綠

玉女峯

嘉名實世想奇態明天造亭亭照綠水獨立爲誰好日

日看遊人遊人還自老

以上建寧府志

宋詩紀事卷八十三

欽定四庫全書

宋詩紀事卷八十四

錢塘厲鶚撰

花藥夫人

夫人姓徐氏蜀之青城人以才色入蜀宮後主
嬖之號花藥夫人效王建作宮詞百首國亡入
宋備後宮

鐵圍山叢談國朝降下西蜀而花藥夫人又隨
昶歸中國昶至且十日則召花藥夫人入宮中
而昶遂死昌陵後亦感之常造毒藥爲患不能
禁太宗在晉邸時數數諫昌陵而不克去一日

兄弟相與獵苑中花藥夫人在側晉邸方調弓矢引滿政擬走獸忽回射花藥夫人一箭而死

焉

能改齋漫錄徐匡璋納女于孟昶拜貴妃別號花藥夫人意花不足擬其色似花藥翻輕也又升號慧妃號如其性也王師下蜀太祖聞其名命別護送陳無已云姓費誤矣

奉召作

君王城上豎降旗妾在深宮那得知十四萬人齊解甲更無一箇是男兒

後山詩話偽蜀降太祖召花藥夫人使陳詩誦其國亡詩云云太祖悅蓋蜀兵十四萬而王師

數萬耳

宮詞

五雲樓閣鳳城間
花木長新日月閒
三十六宮連內苑
太平天子住崑山

龍池九曲遠相通
楊柳絲牽兩岸風
長似江南好風景
畫船來去碧波中

殿名新立號重光
島上亭臺盡改張
但是人行幸處
黃金閣子鎖牙牀

廚船進食簇時新侍宴無非是近臣日午殿頭宣索繪
隔花催喚打魚人

御製新翻曲子成六宮纔唱未知名盡將舊策來抄譜
先按君王玉笛聲

太虛高閣凌虛殿背倚城牆面枕池諸院各分娘子位
羊車到處不教知

殿前宮女總纖腰初學乘騎怯又嬌上得馬來才似走
幾回拋鞚把鞍橋

自教宮娥學打球
玉鞍初跨柳腰柔
上棚知是官家認
徧徧長贏第一籌

內家追逐採蓮時
驚起沙鷗兩岸飛
蘭棹把來齊拍水
並船相鬪溼羅衣

月頭支給買花錢
滿殿宮人近數千
遇著唱名多不語
含羞走過御牀前

水車踏水上宮城
寢殿簷頭滴滴鳴
助得聖人高枕興
夜深長作遠灘聲

沈香亭子傍池斜夏日巡遊歇翠華
簾畔越盆盛淨水
內人手裏剖銀瓜

薄羅衫子透肌膚夏日初長板閣虛
獨自倚欄無一事
水風涼處讀文書

六宮一例羅冠子新樣交鐫白玉花
欲試淡妝兼道服
面前宣與唾盂家

春天睡起曉妝成隨侍君王觸處行
畫得自家梳洗樣
相憑女伴把來呈

小小宮娥到內園
未梳雲鬢臉如蓮
自從配與夫人後
不使尋花亂入船

春日龍池小宴開
岸邊亭子號流杯
沈檀刻作神仙女
對捧金樽水上來

擣菰冷澹學投壺
箭倚腰身約畫圖
盡對君王稱妙手
一人來謝一人輸

明朝臘日官家出
隨駕先須點內人
回鵲衣裝回鵲馬
就中偏稱小腰身

高燒紅燭照銀燈秋晚花池景色澄
今夜聖人新殿宿
後宮相競覓祇承

池心小樣釣漁船入翫偏宜向晚天
挂得綵帆教便放
急風吹過水門邊

會仙觀內玉清壇新點宮人作女冠
每度駕來羞不出
羽衣初著怕人看

小院珠簾著地垂院中排比不相知
羨他鸚鵡能言語
窗裏偷教鸚鵡兒

內人承寵賜新房紅紙泥窗遶畫廊種得海柑才結子
乞求自過與君王

梨園弟子簇池頭小樂攜來候宴游旋炙紅笙先按拍
海棠花下合梁州

秋曉紅妝倚水行競將衣袖撲蜻蜓回頭瞥見宮中喚
幾度藏身入畫屏

內人深夜學迷藏徧遶花叢水岸倚乘興或來仙洞裏
大家尋覓一時忙

管弦聲急滿龍池宮女藏鉤夜宴時好是聖人親捉得
便將濃墨掃雙眉

安排諸院接行廊外檻周回十里強青錦地衣紅繡毯
盡鋪龍腦鬱金香

年初十五最風流新賜雲鬟使上頭按罷霓裳歸院裏
畫樓雲閣總重修

花藥夫人宮詞

成都文類王平甫云熙寧間奉詔定蜀楚秦氏
三家所獻書得一弊紙所書花藥夫人詩共三
十二首乃夫人親筆而詞甚奇謹令繕寫入三
館而歸口誦數篇于丞相安石明日中書語及

之而王珪馮京願傳其本于是盛行于世

張夫人

哭魏夫人

香散簾幃寂塵生翰墨閑空傳三壺譽無復內朝班

揮塵後錄曾文肅熙寧初爲海州懷仁令有監酒使臣張者小女甫六七歲甚爲惠黠文肅之室魏夫人憐之教以誦詩書頗通解其後南北睽隔紹聖初文肅柄事樞密時張氏女已入禁中雖無名位以善筆札掌命令之出入忽與夫人相聞夫人以夫貴疏封瀛國稱壽禁庭始相見叙舊自後歲時遣問夫人歿張作詩哭之云云從此絕迹矣後四十年靖康之變張從昭慈聖

獻南渡至錢唐朱忠靖筆錄所記昭慈遺其傳
導反正之議張夫人者卽其人也年八十餘終

楊妹子

楊妹子恭聖皇后之妹

書史會要楊妹子書法極似寧宗馬遠畫多其
所題語關情思人或譏之

題趙伯駒畫

蓮開宮沼年年盛香染斑衣葉葉新願借琴音奏清雅

薰風涼殿壽雙親

題菊花圖

莫惜朝衣準酒錢
淵明身卽此花仙
重陽滿滿杯中泛
一縷黃金是一年

以上珊瑚網

題馬遠畫梅

重重疊疊染絳黃
此際春光已半芳
開處不禁風日煖
亂飄晴雪點衣裳

白玉蜨梅

銖衣翠蓋映朱顏
未委何年入帝關
默被畫工傳寫得
至今猶似在衡山

著雪紅梅

天桃豔杏豈相同
紅潤姿容冷淡中
披拂輕烟何所似

動人春色碧紗籠

烟鎖紅梅

渾如冷蜨宿花房擁抱檀心憶舊香開到寒梢尤可愛

此般必是漢宮妝

綠萼玉蜨

項鼎鉉呼桓日記鑑臺叔出觀馬遠單條四幅俱楊妹子題後各有楊娃之章一小方印

王清惠

清惠字冲華宋昭儀德祐丙子隨三宮入燕

按東園客談有昭儀王清惠賦滿江紅詞楊儀金瓶別傳作黃惠清當是傳聞之誤

送水雲歸吳

并序

水雲留金臺一紀琴書相與無虛日秋風天際東
書告行此懷愴然定知夜夢先過黃河也一時同
人以勸君更盡一杯酒西出陽關無故人分韻賦
詩爲贈他時海上相逢當各說神仙人語又豈以
世間聲律爲拘拘耶

朔風獵獵割人面萬里歸人淚如霰江南江北路茫茫
栗酒千鍾爲君勸

水雲集

李陵臺和汪水雲韻

李陵臺上望
荅子五言詩
客路八千里
鄉心十二時
孟勞欣已稅
區脫未相離
忽報江南使
新來貢荔枝

擣衣詩呈水雲

妾命薄如葉
流離萬里行
黃塵燕塞外
愁聽擣衣聲

秋夜寄水月水雲二昆玉

萬里倦行役
秋來瘦幾分
因看河北月
忽憶海東雲

以

上楊儀金姬別傳

陳真淑

送水雲歸吳

天山雪子落紛紛
醉擁貂裘坐夜分
明日馬頭南地去
琴邊應是有文君

黃慧真

同前

高疊燕山冰雪勁
萬里長安風雨橫
君衣雲錦勒花驄
此酒一杯何日更

何鳳儀

同前

十年燕客身如病一曲剡溪心不競
憑君寄與愛梅仙
天理現時人事盡

周靜真

同前

燕山雪花大如席馬上吟詩無紙筆
他時若遇隴頭人
折寄梅枝須一一

葉靜慧

同前

塞上砧聲響似雷
憐君騎馬向南回
今宵且向穹廬醉
後夜相思無此杯

孔清真

同前

瘦馬長吟蹇驢吼
坐聽三軍擊刁斗
歸人鞍馬不須忙
爲我更酬葡萄酒

鄭惠真

同前

琵琶撥盡昭君泣
蘆葉吹殘蔡琰啼
歸見林逋煩說似
唐僧三藏入天西

方妙靜

同前

萬里秦城風淅淅
一望蘇州雲幕幕
君今得旨歸故鄉
反鎖衡門勿輕出

翁懿叔

同前

金門夜醉紫霞觴
乞得黃冠還故鄉
一似陳搏歸華嶽
又如李泌過衡陽

章妙懿

同前

一從騎馬逐鈴鑾
過了千山又萬山
君已歸裝向南去
不堪腸斷唱陽關

蔣懿順

同前

十年牢落醉穹廬不用歸榮駟馬車他日儻思人在北
音書還寄雁來無

林順德

同前

歸舟夜泊西興渡坐看潮來又潮去江草江花春復春
山青水綠元如故

袁正淑

同前

抱琴歸去海東濱莫逐成連覓子春十里西湖明月在

孤山尋訪種梅人

以上水雲集


朱氏

袖中遺詩

既不辱國幸免辱身世食宋祿羞爲北臣妾輩之死守
於一貞忠臣孝子期以自新

西湖志餘至元十一年丙子二月巳延以宋謝
全兩后以下北去五月二日抵上都朝見十二

日夜宋宮人陳氏朱氏與二小姬沐浴整衣焚香繼死朱氏遺四言詩于袖中



宋詩紀事卷八十四

欽定四庫全書

集部
宋詩紀事卷八十五

詳校官監察御史臣李陽樾

侍讀臣孫球覆勘

總校官進士臣繆琪

校對官中書臣朱所

謄錄監生臣汪緣

欽定四庫全書

宋詩紀事卷八十五

錢塘厲鶚撰

令時

令時字德麟太祖次子燕王德昭元孫元祐中
簽書潁州公事坐與蘇軾交通罰金入黨籍紹
興初襲封安定郡王同知行在大宗正事薨贈
開府儀同三司有侯鯖錄

王直方詩話東坡作秋陽賦云趙王之孫有賢
公子宅于不土之里而詠無言之詩蓋時字也

坡云且教人別處使不得

錦繡萬花谷趙氏玉牒派藝祖下德字惟字從
字世字令字子字伯字師字希字與字孟字由
字太宗下元字九字宗字仲字士字不字善字
汝字崇字必字良字友字魏王廷美下德字承
字克字叔字之字公字彥字夫字時字若字嗣
字次字

同官李仲益贈張思仲家歌人團茶予題其封

色映宮姝粉香傳漢殿春團團明月魄却贈月中人

次教授陳復常韻

坎壈中年坐廢人老來貂鼎視埃塵鐵霜帶面唯憂國

機穽當前不為身發廩已康諸縣命蠲逋一洗幾年貧
歸來又掃寬民奏慙愧毫端爾許春

初到長安

來往長安未定居暫將僧舍當吾廬空中說法憑鈴語
枕上朝饑聽木魚因果分明休問佛行藏自信罷占書
眼前一物真堪羨百尺長楊水滿渠

以上侯鯖錄

跋太白醉草

六言

雖自九天分派不與萬李同林步處雷驚電繞空餘翰

墨窺尋

春渚紀聞云此德麟跋遠所藏其實自謂也

冬日居山

亂山深處過嚴凝
僻靜門鄰物外僧
送客踏穿松徑雪
煮茶敲破石池冰
朝垂簾幙寒慵卷
夜鎖樓臺靜嬾登
只待春來歸上國
杖藜吟出白雲層

詩林萬選

句

我識之無常縮舌
君能競病且低顏

和劉景文錄

侯鯖

令鑠

令鑠字伯堅太祖五世孫第進士官至太僕

子瞻和予致齋詩有端向甕間尋吏部老來唯欲
醉為鄉之句因送薄酒兼成斐章冀發笑也

古人醉以酒蓋亦有所寓一飲百憂忘陶陶朝復暮公
欲醉為鄉甕間尋吏部惜取青銅錢濁醪安足酤敢竊
好事名聊資子雲具巧手斧鼻端此情知有素

子瞻辭免起居之命令鑠復用前韻一首以勉之

登州與儀曹到官如旅寓螭陛鳳凰池翱翔未云暮冰雪照人清黃色盈中部譬如千日釀一宿陋清酤載筆無多時公真濟時具歎息賀德基猶知我尸素

鐵網珊瑚鮮于伯機游高亭山廣嚴院記云院僧出東坡趙令鑠唱和真迹王明清題云英宗潛龍日居穆清宅與宗屬湍恭憲王游從最厚慶厯八年戊子兩家各生子同年月日時其後英宗入繼大統所誕即神宗既即天位以是日為同天節恭憲所有乃太僕伯堅也為本朝登進士第之冠易文階最先子孫蕃衍世科相望聲華焜耀以至于今五行之說其可不信哉僧云伯堅子豫今居臨平貧不能自振此卷近年以粟易之

令衿

令衿太祖五世孫號超然居士官左朝散大夫

主管台州崇道觀

李伯紀丞相挽詩

道大終為累功高反被疑恨無長日月寶此大著龜鼓
咽空山暮風酸落木悲弔喪哀不及賴有哭公詩

梁溪集附

子覺

子覺字彥先號雪齋太祖六世孫令衿之子為

嚴倅時放翁為郡守誠齋以詩寄放翁有幕中
何幸有詩人之句謂子覺也有雪齋集

負暄野錄近世言墨法蓋推吾鄉雪齋趙彥先
子覺彥先乃故安定郡王超然居士令衿表之
之子也其墨法本無師承但自少時篤好製造
招延良工叅合衆技遂造其妙中興三廟咸見
貴重名播遐邇
墨史宗室趙令衿善製墨子子覺孫伯康皆傳
其膠法銘曰超然清芬如在

書懷

柳影槐陰綠遶廳日長細得話詩情迎風紫燕忽雙去

隔雨黃鸝又一聲
筆墨生涯成冷淡
筍蔬盤饌易經營
世間微利真刀密
有底驅馳取重輕

瀛奎律髓

子櫟

子櫟字夢授太祖六世孫元祐六年進士紹興
中至寶文閣直學士卒

句

夜棋三百子
曉髮一千梳
髮為干戈白
心于社稷丹

雞肋編

伯琳

伯琳太祖七世孫官右選

句

為嫌陶令醉來伴屈原醒

趙興麟書堂詩話予曾伯祖伯琳官至右選平生喜為詩五月菊句云云人所傳誦

伯晟

伯晟太祖七世孫淳熙中上元令

游攝山棲霞寺

棲霞境界何清壯，嶽立五峰如列障。
三徵不復見高人，千刻尚能瞻寶相。
摩空老木韻秋聲，雲屋天巖滿意行。
夜闌風定月將午，門外呦呦聞鹿聲。

景定建康志

師 巽

師巽字從善，太祖八世孫。伯驢子，舉進士，累遷
司農卿，知臨安府，進兵部尚書，與祠卒。自號無
著居士，又號東墻。

瓊花

香得坤靈秀氣全藥珠團外蜨翩翩親曾后土祠前看
不是人間聚八仙

全芳備祖

師俠

師俠號坦菴太祖八世孫

梅花

南山如佳人迴立不可親而況得道者其間梅子真

全芳

備祖

師恕

師恕太祖八世孫

月巖

睠此巖壑勝領客共登臨
危棧臨不測巖途歷欹欽俯
仰極高低上下窮幽深
來登空明山千崖正沈沈
下瞰青羅江古木鬱蕭森
清風萬里來層雲盪孤襟
有客可共賦有酒可自斟
此景豈易得此樂豈易尋
吾生今老矣遁迹歸窮岑
一櫂下瀟湘此別意難任
別後無相忘詩成寄郵音

粵西詩載

師秀

師秀字紫芝號靈秀永嘉人太祖八世孫紹熙
庚戌進士浮沉州縣改秩而卒有天樂堂集清
苑齋集四靈之四

詩人玉屑天樂冷泉夜坐詩云樓鐘晴更響池
水夜如深後改更為聽改如為觀病起詩云朝
客偶知承送藥野僧相保為持經後改承作親
改為作密二聯改此四字精神頓異真如光弼
入子儀軍矣
梅磳詩話杜小山問句法于趙紫芝荅曰但能
飽喫梅花數斗胸次玲瓏自能作詩戴石屏云
雖一時戲語亦可傳也

靈隱寺

衆境碧沈沈
前峰月正臨
樓鐘晴聽響
池水夜觀清
淨非人世
虛無見佛心
却尋來處宿
風起古松林

絕句

數日秋風欺病夫
盡吹黃葉下庭蕪
林疎放得遙山出
又被雲遮一半無

姑蘇臺作

何人可與話登臨
徙倚危闌日向沈
千古蒼茫青史夢

一年迢遞故鄉心
天無雨雪梅花早
地有波濤鴈影深
為是夫差舊臺榭
愁來不敢越人吟

絕句

黃梅時節家家雨
青草池塘處處蛙
約客不來過夜半
閒敲棋子落燈花

柳溪詩話意雖腐而語新

薛師石瓜廬

不作封侯念
悠然遠世紛
唯應種瓜日
猶被讀書分

水多於地春山半是雲
吾生嫌已老學圃不如君

巖居僧

開扉坐石層終日
少人登一鳥過寒木
幾花搖翠藤
茗煎冰下水香炷
佛前燈
吾亦逃名者何因似此僧

孤山寒食

三月芳菲在水邊
旅人消困亦隨緣
晴舒蜨羽初勻粉
雨壓楊花未放綿
有句自題閑處壁
無錢難買貴時船
最憐隱者高眠地
日日春風是管弦

鴈山寶冠寺

行向石闌立清寒不可云流來橋下水疑是洞中雲欲
住逢年盡因吟過夜分蕩陰無絕頂一鴈不曾聞

呈蔣肖韓薛師石

中夜清寒入緼袍一杯山茗當香醪禽翻竹葉霜初下
人立梅花月正高無欲自然心似水有營何止事如毛
春來擬約蕭閑伴同上天台看海濤

以上清苑齋集

句

拓空淮繭白梅近楚秧青

送謝耘游淮

娛書堂詩話

希逢

希逢太祖九世孫

九日舟中

倦客逢萸節生涯寄葉舟窮途危不顧飛擢去難留舊

菊重陽日寒蘆兩岸秋多情唯破帽猶戀老人頭

後村千家

詩

希淦

希湊號定山太祖九世孫

半山寺有感

一水波澄接御溝近城宮柳弄春柔
烏衣巷裏人何在
白鷺洲前水自流
千古風流歌舞地
六朝興廢帝王州
今番不負看山約
他日重來說舊游

詩林萬選

希櫟

希櫟字誼父汴人太祖九世孫有抱拙小藁

江湖偉觀

華屋歸然占上方一樽同此寄相羊江潮翻海暮天濶
湖水拍隄春草長莽莽越山凝紫翠搖搖蘇柳間青黃
歸鴻影裏闌干晚回首中州入渺茫

送李鶴田東游後還鄉

劍傍梅花鶴夢醒東游吟骨帶秋清台山路杳神仙迹
楚國書來母子情半榻煙霞應有約一筇風雪且兼程
丁寧及早催行李莫待西湖草色平

過臨平

市井蕭條景物非
居人猶號永和隄
春山十里斜陽樹
漠漠殘紅杜宇啼

以上抱拙小藁

臨平記宋理宗紹定三年冬十月築永和塘捍臨平湖許應和有記

希邁

希邁字端行號西里永嘉人太祖九世孫有西里詩藁

酬陳校書見寄

日長松院靜孤坐對殘編
久雨波平岸山高燒接天
春

醒茶可解酒病藥難痊獨喜君親政南中客共傳

前賢
小集

拾遺

琴泉精舍寄友

客來僧已去古屋靜蕭蕭敲石引松火對花懸酒瓢窗
櫺寒背日柱礎潤通潮君肯過幽寂水程終隔橋

王生山水歌

范寬山頭李成樹百年二老皆仙去如今尺素留人間
縱有千金無博處後人筆底工一家聲價隨可喧中華

王君二妙聚一手參以吟思游天涯萬里江山纔數幅
東抹西塗意先足蒼梢巨石相叅差風雨煙雲在羈束
近時目賤耳反真畫圖重舊不重新名家翰墨未必貴
塵漬膺本翻為真君提健筆來海外山若玉簪江若帶
朝昏變態焉可窮筆未鋪張心已會嶺南游者多詩人
見君作畫應憐君求我新詩寫君畫終使李范聲名分
以上東甌詩集

希 彭 一作澎

希彭字清中號十洲太祖九世孫四明人寶慶

二年進士

隨隱漫錄趙君入仕四十年虛靜恬淡寂寞無
為除南雄守不赴後別親友理家事端坐而逝
遺偈云六十二年皮袋放下了無罣礙青天明
月一輪萬古道遙自在

絕句

手執黃庭上石臺竹陰掃月徧蒼苔欲從此處即仙去

玉立清風待鶴來

隨隱漫錄

希混

希混太祖九世孫

岑公洞

自有煙雲護石扉更闌曉色近清暉
岳前老檜吟風處似請仙翁化鶴歸

名勝志夔州岑公洞在大江之南廣六十餘丈
深四十餘丈石岳盤結若華蓋左右方池有泉
涌出岳簷遇盛夏注水如簾真神仙窟也圖經
云岑公名道願江陵人隋末避地隱此百餘歲
肌膚若冰雪積二十年尸解去至唐宋間加以
冲妙大師虛鑒真人之號唐刺史馬冉詩南溪
有仙礪咫尺非人間泠泠松下風日暮空蒼山
趙希混有詩

與擯

與擯太祖十世孫

題白鶴岵

六丁開兩壁不知始何年中間一空洞可張幾客筵我
來拂石坐傾耳聽潺湲古榕蔽天罅飛瀑穿峽懸四時
宿雨露亭午歛虹煙昔人避山冠飲溜枕苔眠興懷內
訂日鼎鼎百餘年

名勝志福寧縣西南白鶴岵石磴峻峭盤空而
上海上諸山皆入延眺嶺之南飛泉百丈遙望

如銀河倒瀉是名南山滌宋趙與攢有詩

與 峇

與峇字中父號菊坡秀安僖王四世孫居湖州
寶祐初知平江府孟頫其子也

宿半塘寺

夜宿半塘寺惟聞塔上鈴老僧行道影童子誦經聲竹

密風猶勁窗幽月愈明瓦爐香斷處一榻灑然清

吳興
藝文

補

與 篤

與篤字德淵號節齋太祖十世孫居湖州嘉定
十三年進士理宗朝歷官吏部尚書兼知臨安
府終淮浙發運使知平江府致仕

太湖

倦客滄浪意扁舟汗漫游雲歸林屋晚木落洞庭秋此
地真堪老中原恨未休可知侯萬戶不似橘千頭

全芳
備祖

與 杼

與杼號見山太祖十世孫

游大滌

九鎖閔仙關長歌入翠巒青松飛雨蓋修竹動琅玕雪
霽千巖瘦雲深六洞寒客來塵慮息一笑倚闌干

洞霄詩集

與滂

與滂字肖范號蔗境四明人太祖十世孫淳祐

中為閩安鎮官

登浙江樓

兩岸共明月，闌干霄漢間。
風流浙江水，砥柱海門山。
晝夜湖消長，利名人往還。
不如沙上鷺，玉立一身閒。

花院

拆了千秋院，宇空無人。
楊柳自春風，薔薇性野難拘束。
却過鄰家屋上紅，
以上詩林萬選

牽牛花

西風樵子谷，藤蔓絡柴關。
名在星河上，花開曉露間。
秋空同碧色，曉日轉紅顏。
若挂青松頂，脩然不可攀。

全芳
備祖

與東

與東字賓暘嚴陵人太祖十世孫宗學上舍寶祐丙辰進士歷任贛州教兩浙運幹會子庫檢察司農寺排岸班改奉議有魯齋小橐

方萬里序君詩瘦而不枯勁而不燥如趙章泉評君詩以為唐唯有一孟東野宋唯有一陳無已然後知君之志慕貞曜後山之為人甘于厄窮靜退而無求者也

次韻方萬里雨夜雪意

芋火房陰處翛然類嬾殘雨欺梅影瘦風助竹聲寒擁

袂衣全薄哦詩字欲安兒童疑有雪頻起穴窗看

次韻方萬里寒甚送酒

連日寒殊甚衰年無一能硯呵磨墨凍瓶曬插花冰浮

世無根絮餘生有髮僧蘇門如可即端合事孫登

以上瀛奎

律髓

孟堅

孟堅字子固號彝齋太祖十一世孫其先以安

定郡王從高宗南渡家于嘉禾之廣陳寶慶二

年進士歷官朝散大夫嚴州守景定初遷翰林
學士宋亡不仕

齊東野語子固襟度蕭爽有六朝諸賢風氣時
比之米南宮而子固亦自以為不歎也酷嗜法
書多藏三代以來金石名迹東西薄游必挾所
有以自隨一舟橫陳僅留一席為偃息之地隨
意左右取之撫摩吟諷至忘寢食所至識不識
望之知為米家書畫船也偶客輦下會菖蒲節
余偕一時好事者邀子固各攜所藏買舟湖上
相與評賞飲酣子固脫帽以酒晞髮箕踞歌離
騷旁若無人薄暮入西泠掠孤山擻擢茂樹間
指林麓最幽處瞪目絕叫曰此真洪谷子董北
苑得意筆也鄰舟數十皆驚駭絕歎以為真謫
仙人

姚桐壽樂郊私語子固入本朝不樂仕進隱居
州之廣陳鎮時載一小舟泊蓼汀葦岸看夕陽
賦曉月為事縣令宣城梅黻到船訪公公飛擢
而去梅曰昔人所謂名可聞而身不可見殆謂
先生歟公從弟子昂自茗中來訪公閉門不納
夫人勸之始令從後門入坐定第問弁山笠澤
近來佳否子昂云佳公曰弟奈山澤佳何子昂
退使人濯其坐具

里中康節菴畫墨梅求詩因述本末以示之

逃禪祖花光得其韻度之清麗閒菴紹逃禪得其蕭散
之布置回視玉面而鼠鬚已見工夫較精緻枝枝例作
鹿角曲生意由來端若爾所傳正統諒末節舍此的傳

皆偽耳僧定花工枝則麝夢良意到工則未女中卻有
鮑夫人能守師繩不輕墜可憐聞名不識面云有江西
畢公濟李衡麝醜惡拙祖弊到雪蓬觴濫矣所恨二王
無臣法多少東鄰擬西子是中有趣豈不傳要以眼力
求其旨踢鬚止七萼則三點眼名椒梢鼠尾枝分三疊
墨濃淡花有正背多般藥夫君固已悟筌蹄重說偈言
吾亦贅誰家屏障得君畫更以吾詩跋其底

康不領此詩又有許梅谷者仍求又賦長律

濃寫花枝淡寫梢鱗皴老幹墨微焦筆分三踢攢成辦
珠暈一圓工點椒糝綴蜂鬚凝笑靨穩拖鼠尾施長條
盡吹心側風初急猶把枝埋雪半銷松竹襯時明掩映
水波浮處見飄颻黃昏時候朦朧月深淺溪山長短橋
鬧裏相挨如有意靜中背立見無聊筆端的皦明非畫
軸上縱橫不是描頓覺坐來春盎盎因思行過雨瀟瀟
從頭總是楊湯法拚下工夫豈一朝

王翠巖寫竹求詩亦與

古畫畫物無定形隨物賦形皆迫真其次師述有師繩
如印印泥隨前人尚疑屋下重作屋叅以新意意乃足
晉魏而來幾百年義獻斷弦誰解續何況高束李杜編
江湖競買新詩讀願君種取渭川一千畝飽飯逍遙步
捫腹風晴煙雨盡入君心胷吐出毫端自森肅員大夫
來子章何碌碌

竹墨蘭圖仍賦

六月衡湘暑氣蒸幽香一噴冰人清曾將移入浙西種

一歲纔花一兩莖

自題水仙圖

自欣分得槧山邑地近錢清易買花堆案文書雖執掌
簪餅金玉且奢華酒邊已愛香風度燭下猶憐舞影斜
簪弟梅兄來次第攬春熱鬧令君家

以上鐵網珊瑚

法忍寺門夜泊

秋泊禪扉夜清吟入興頻風生水鱗甲雲放月精神小
夢迷香樹新涼透葛巾舊題尋不見吹徧壁間塵

拓上遺詩

孟 淳

孟淳字子真號竹所又號虛閒野叟子固之弟

題高房山夜山圖二首

月底江山如畫好樓中几席與秋清剡藤不到高人手
一段風流可成

江行山立月盤桓有客無言樓上看清興肯隨城漏盡

夜深風露恐高寒

鐵網珊瑚

士 揆

士掞字才孺太宗五世孫官直祕閣

登天清閣

夕陽低盡已西紅百尺樓高萬里風白髮年年何處得

只應多在倚闌中

墨莊漫錄

不敏

不敏太宗六世孫官保義郎

寄蘇盼奴

事載蘇小媚詩

當時名妓鎮東吳不好黃金只好書借問錢塘蘇小小

風流還似大蘇無

武林紀事

不謫

不謫字師厚太宗六世孫慶元中昭武假守

句

信史賒青簡封章室皂囊

揮麈餘話跋王仲言學問該博遂初尤文欲收
冥史館不果仲言又嘗剗切上封事不謫因不
自揆以拙句殿諸公後云云

善應

善應字彥遠太宗七世孫汝愚父寓居崇德洲

錢市

題寧師西閣

飄泊南來幾歲寒
追談往事漫心酸
雲烟暮隔中原望
歸折梅花忍淚看

次韻李長卿

一別芳洲不計年
舊時攀折柳依然
故人似欲撩詩興
賸折梅花向酒邊

至元嘉禾志

善 贛

善贛太宗七世孫

題岑公洞

真人邈何之恍忽不可見洞居獨嵌空壁留明珠濺藤
蘿含冥濛竹柏鬬蔥蒨至幽合人心遠翠落江面野老
乘籃輿使君肆清燕日影砌下倒雲容坐間變大木巖
欲傾邃壑路微轉崢嶸施屏風點綴成彩綯雖云急行
樂勝賞殆亦徧欲歸重盤旋拂石看古篆

名勝志

善堅

善堅字德固袁州人太宗七世孫乾道二年進士判婺州官至戶部尚書

化成巖

低帽白蕉衫跨馬北巖路為我撒炎歊時有清風度杖策躡游屐捫蘿窮幽趣怪石鳴瘦筇狹徑窘危步雲間啟深洞玲瓏天巧露僧居羅上下鐘聲答晨暮長嘯排翠靄圍棊驚振鷺陶寫屏絲竹恐為風景汙拂蘚題蒼

崖縱橫醉中句茲游豈易得載酒莫辭屢

江西通志

善沛

善沛字濟世太宗七世孫淳熙二年進士終南

康守

對雪

兒笑真珠滿盤碎女疑荷葉雨中來道人心下無些事

三箇柴頭品字煨

名勝志

善倫

善倫字季思太宗七世孫

多景樓

壯觀東南二百州景於多處更多愁江流千古英雄淚
山掩諸公富貴羞北府如今唯有酒中原在望忍登樓
西風戰艦今何在且辦年年使客舟

梅磎詩話全篇警拔江湖間多稱之或以為劉
改之詩誤矣

善扛

善扛字文鼎號解林居士太宗七世孫

春詞

碧落初明月未收露華香滴杏梢頭玉闌干外東風軟

人在重雲第幾樓

詩家鼎鑪

善訥

善訥號復齋太宗七世孫

游大滌

黃簾有影金燈暗碧殿無人玉磬清我亦三生羽衣客

夢魂久已到瑤京

洞霄詩集

善 璪

善璪太宗七世孫家南海

餞陳市峰之廉泉

桃源渺何處夢短到家難不辦一邱費猶為九品官鶴
嫌新俸薄鷗訝舊盟寒附翼攀鱗事書生不敢干

四朝詩

汝 愚

汝愚字子直太宗子漢恭憲王元佐七世孫居
饒州之餘干縣擢進士第一光宗朝累除同知

樞密院事寧宗朝權叅知政事拜光祿大夫右
丞相為韓侂冑所忌責授寧遠軍節度副使永
州安置至衡州暴薨後贈太師追封沂國公謚
忠定配享寧宗廟庭

送汪尚書大猷歸鄞

尚書天官貴持經侍幃幄青冥欲無際白首非故約連
檣動南浦父老望巖壑下車入里門執手問歡樂十年
幾風雨寒雞叫屋角勤勞畢吾分帝賚出寵渥殊適奉

香火禁直連六閣遂令宣室思從今問晦朔

寧波府志

同林擇之姚宏甫游鼓山

在閩縣

幾年奔走壓塵埃此日登臨亦快哉江月不隨流水去
天風直送海濤來故人契闊情何厚禪客飄零事已灰
堪歎人生祇如此虛闌獨倚更徘徊

鼓山志

致爽軒

濃陰夾道水流渠吹盡殘花不復餘唯有范家三畝竹

青青依舊色侵書

全蜀藝文志

汝談

汝談字履常號南塘太宗八世孫居餘杭淳熙十一年進士累官至西外宗正理宗時歷給事中權刑部尚書卒謚文懿

後村詩話本朝全盛時宗室貴顯而負詩名者有德麟近歲有南塘兄弟詩工而命窮者有紫芝仲白而南塘遂為一代騷人之宗

環錦亭

臨安俞氏園

與子鄉鄰信有年故王遺事到今傳爽鳩邑改風煙在

散騎園分水竹偏高架插書供夜讀滿堂戲綵敵春妍
相如可是區區者戲筆題詩亦偶然

咸淳臨安志

翠蛟亭和翠粟齋韻

幽亭枕蒼峽雲竇通曲水百折如建瓴
號號鳴不止客來一抽鑰白霧噀巖底
儵翕千丈蛟拏空翠濤起天開混沌竅
日洗盤古髓諒匪畜池鱗多應化雷尾
憑陵氣易壯怖蕩辭難侈術假金洞光
景逾瑤臺泚誰云游方外巧異緇塵裏
坡仙頗年數覲面猶尺咫采句貴自然

翠言良是已珍題豁靈界篆出蕃君里物生亦倚數有
形必有靡道人亦多事浮念何時死余生嗜泉藪痼疾
牽硯几太息動靜機于何寄真理醉倒和滄浪煩君更
詳此洞霄詩集

汝 諱

汝諱太宗八世孫居餘杭慶元五年進士

題翠蛟亭

百丈寒蛟下翠庭幽人相對覺風生闌干小倚飛觴處

一曲松風亂雨聲

洞霄詩集

汝 鎡

汝鎡字明翁袁州人太宗八世孫嘉泰二年進士曾官漕帥有野谷詩集

劉後村跋云明翁詩兼衆體而又徧行吳越百粵之地眼力益高筆力益放卷中歌行跌宕頓挫剗蛟縛虎手也及斂為五七言則又妥帖麗密若唐人鍛鍊之作

小水寺

披霧入野寺寒林響西風誰遣僧出迎山鳥為我通染

衣松露香照眼巖花紅聊此息塵慮歸騎毋怱怱

訪隱者不遇

兩腋乘西風送我上高岑竹根一泉通石徑萬木森中有隱者居敗屋莓苔侵山空人不見雲滿挂壁琴兩鶴出候我逢迎啄衣襟應酬久頗厭走避不可尋誰伴山下去明月升高林

去婦詞

入得良人門自誓終此身掃室擁箕帚進盥躬盤巾采

桑趨壠首薦蘋潔澗濱十年盡婦道唯恐堂上嗔上和
下睦本無事一旦小姑恣萋菲浸潤既深貝錦成不棄
不出譖不已良人繾綣心自知父母之命安敢違舉頭
天邊指缺月暫缺須有團圓時君不聞章臺長條依舊
垂樂昌半鏡還復歸

舟中

繫纜停征擢斜陽古渡頭風霜先遠客天地獨扁舟水
鳥衝開浪汀鴻占斷秋在家貧亦好何用出林邱

送彥東還湘

湘南多爽處羨子片帆還秋影清涵水煙痕淡著山蘭
風香楚佩竹淚冷湘斑見說誅茅地江頭只數間

劉簿約游廖園

名園新整頓尊酒約追隨春晚花飛少牆高蜨度遲注
湯童煖酒拍案客爭碁寂寞秋千索無人盡日垂

舟中

離家俄十日千里獨衰翁蓬響過雲雨帆開逆水風新

沙增岸脚小港隱蘆叢客思難消遣黃昏月一弓

題合江亭

石鼓山頭一小亭乾坤萬里眼雙明雖因刺史能尋勝
不遇昌黎豈得名衡嶽雲開天洗碧蒸江湘合水爭清
書巖莫辨當時事空積塵泥野草生

自注昌黎題合江亭寄刺史鄒君詩

未有願書巖石上勿使塵泥泥之句

懷亨父

兩年隻影瀟湘去料想塵埃白髮侵久雨千山秋得意

西風一鴈客關心或于夢裏陪談笑每向人前問信音
憶昔賡詩巖桂下花開今日歎孤斟

以上野谷集

汝湜

汝湜號澹軒太宗八世孫居餘杭嘉定元年進

士

敬和陳南渠先生九鎖步虛詞

并引按九鎖為天關藏雲飛鸞通

真龍吟洞微雲璈朝元凌虛今存二首

竊聞天秉陽德而九為老陽故仙道宗陽而取數皆

九内景含氣以九為節金丹大還九轉為寶其在于
人爰有九宮上應列宿是為九曜園則九重豈非陽
數之極而仙真所居者乎天柱洞天外環九鎖神造
靈設仰摸璇霄此固五帝真游列仙窟宅之地也山
秀水清鉤綿奇絕飛舉之士疇昔接踵而我曾外祖
寢虛先生即陳留良實以童年傳道洞微隱迹吳山修煉
內丹心樂此地時與高人幽士徜徉往來浴冷泉而
白雲生寢石牀而丹氣炳靈異之迹不可具述故舅

氏南渠居士猶踵清風守一高蹈暇日因即九鎖聲
之步虛用標靈境以告來者汝湜辛酉仲秋因獲陪
侍杖屨撫松拂石即景長吟輒爾和韻用污清唱之
末寄之名山用識于他日也

天關鎖

雲壙高嵯峨七蕤銜銅環有象非有質真儔得躋攀九
天著通籍保我玉鍊顏英英青旄節悠悠款靈關

龍吟鎖

矯首東方宮變化何由尋神用妙難擬颺電赤森森雨
施不為功雲從本無心人寰謾懷想戛鉢希雷吟

題洞霄

洞府日月閑風景自清楚九關啟天鑰容我朝帝所清
緣宿仙館夢破石泉雨明朝得羊珠試向張華語

以上
洞霄

詩集

汝讜

汝讜字蹈中號嬾菴汝談之弟以祖蔭補承務

郎登嘉定元年進士累遷司農丞知溫州

題會春苑

草荒故苑幾春風尚想花開春樹紅
欲問當時馬王事寂寥殘照野亭中

後村詩話

翠蛟亭和翠豐韻

衆峰抱蒼龍蟠屈翠蛟水放之兩崖間
奔洶不得止濤瀾生席上雷電轉石底恍疑天柱搖
將拔陰洞起蘇公雄氣壓詩骨得仙髓
指揮驅鯤鯨赫變動其尾紛紛下

土人蟻垤自封侈驟觀目精眩筆墜汗流泚坐令空谷
嘯聲徹霄漢裏君來松根吟仙者相去咫老蛟破鎖去
餘怒猶未已決開澗千丈散作霧五里今年溪湖乾草
莽生意靡寸泉落山苗靈鑰起垂死遺吾雲子飯報汝
青玉几野人尋泉竇筒壞方復理泓然山巔池冬夏常
若此

洞霄詩集

汝回

汝回字幾道永嘉人太宗八世孫嘉定七年進

士終主管進奏院

凌霄花

嫋嫋枯藤淺淺葩
黃緣直上照殘霞
老僧不作因依想
將謂青松自有花

全芳備祖

杜子野留別

有朋不貴數道合
意自親早知離別
難會覲豈厭頻青
燈書閣下細語交
情真酌此武陽泉
饌彼松江鱗
兵庖復有攜得非
知我貧如何不我
醉明日隔征塵

宿羅溪山

鷺嶺東游霽景微
碧桃花外一鶯飛
樵夫不斨垂潭樹

知有僧人挂浴衣

以上東甌詩集

句

春風過後雪初白
夜雨晴時水亦香

橘花

屈原一點沈

湘恨李白三生捉月身

水仙

東甌詩集

汝迂

汝迂字叔午一作叔魯號寒泉樂清人太宗八

世孫

括溪倚舟

樹古半成槎溪過歷歷斜寒林欲無路小塢不多家去
容背流水停舟見莫鴉朝朝省秋水頻減一痕沙

四聖觀納涼

琳宮暑自薄短簟逸人眠樹繫來時馬風移聽處蟬藥
童清入畫道士默如禪忽憶山中雪瘦梅逋老阡

哭趙蹈中

族老今為海內憐清名多是布衣傳一封表乞從師郡
千里神寒竟句年水鏡照人前日政雨絲吹旆別時船
離家憶值梅初白梅未成陰失此賢

以上前賢小集拾遺

汝旗

汝旗太宗八世孫

宿山隱齋

平生悅山隱一室容我借弄泉掬明月坐石延清話既
調松下琴復作松風瀉仙人擣藥禽獨叫青山夜

洞霄詩集

汝 鑒

汝鑒太宗八世孫

金陵作

龍虎帝王宅鳳凰仙子臺六朝遺事冷八月夜潮回隴

雁秋仍到江花晚自開憑高一尊酒何代獨無才

景定
建康

志

汝 楫

汝楫太宗八世孫居鄞寶慶二年進士史彌遠

之壻

鶴林寺

仙去當年尋舊迹傳來此日尚名山
花開花落朝昏事

唯有春風歲歲閑

鶴林寺志

汝鋌

汝鋌太宗八世孫

雪

病倦扶危坐起看天雨花塞驢東野句
破屋玉川家勇

羨穿籬犬饑憐噪樹鴉龍山雲壑勝冰柱憶劉义

後村千家

詩

汝鎬

汝鎬太宗八世孫

浯溪中興頌

蒼崖插浯溪清漲濕元頌費墨今屋高千年此安用鯨
翻天寶末雲滄朔方衆還都迎上皇嗚咽抱餘痛兩宮
重宴樂萬國盡朝貢當時紀成功小雅見微諷顏公發

勁畫金玉相錯綜我于碑刻間衆羽得孤鳳艱危人物
難忠烈鬼神重摹取挂野堂英風凜生凍

浯溪集

汝唵

汝唵字仁山號兩山太宗八世孫官臨安令

離越

東關寒水深游子別家心擢急波鳴枕蓬疎月在衾半

生多道路何日定山林隔岸聞漁唱離騷不敢吟

詩林萬選

棲真洞

幅巾灑松露雙袖抖衣塵可耐人間暑來尋洞裏春座
分雲骨冷屐隱甃紋新鶴近清尊舞如留欲去賓

杭州府志

崇滋

崇滋字澤民號竹所永嘉人太宗九世孫嘉定
十年進士

悼步月

雁過妝樓人不見斷腸又是一黃昏不知天上嬋娟影
能照人間寂寞魂響屨廊深空認步唾茸窗煥尚留痕

合將一把香酥骨葬在巫陽雲雨村

詩家鼎鑪

客舍

巷深人寂靜
蛩守客牀鳴
半夜後風雨
一燈前弟兄
愁來無好夢
吟到有新聲
不信看雙鬢
蕭蕭白幾莖

求酒趙評事

半老情懷睡不能
小簷霜月當寒燈
無人來問相如渴
敲碎梅花一夜冰

以上東甌詩集

崇嶠

崇嶠字漢宗南豐人太宗九世孫嘉定十六年
進士官至大宗丞有白雲藁

閨怨

恨殺庭前鵲難憑卜遠期朝朝來報喜誤妾畫雙眉

後村

千家詩

宮詞

小苑風酣雨露香紅情綠意為春忙五雲獨遶瓊花夢

三十六宮清漏長

詩林萬選

遊金精山

飛泉灑靈雨玉田閔青芝中有仙人宛然姑射姿天
巧從古今虛竇開烟扉歲深語亦誕目極神為馳我亦
泉石人夙昔夢見之登臨悟三生毛髮何森縱未脫區
中緣玉顏畏磷緇仙春醉青桃蘿風吹輕絲凡事俱爾
爾居然駭癡兒留詩遺仙靈詎解山中疑

金精風月

凭遠亭

在淳安縣後

莎亭日日報平安幽處依然絕往還平野四圍天一幅

有人踏雪看南山

嚴州府志

崇齋

崇齋永嘉人太宗九世孫嘉定進士

過楊子橋

一抹輕烟隔小橋新篁褪籜兩三梢惜春不覺歸來晚

花壓重門帶月敲

東甌詩集

崇銑

崇銑字元冶開封人太宗九世孫有甌渚微吟

尋真夕對

春雲弄月黃金絲
春山草木皆仙姿
松根對坐日西夕
羣峰當前列青壁
鏗鏘虛壑含古音
靜聽宛是商山吟
洞石微開月當戶
剪水弦冰心手語

野園

野園對客無杯酌
共坐茅簷理釣車
片月漸低風露冷
隔牆山鬼嘯梨花

仙思

水殿風清急景斜
靈君初下五雲車
碧羅寶扇雙題字
記是誰人詠落花

都昌即事

世事可無酒
春藤還有花
山雲欲到地
街鼓又催衙
風緊魚休市
官貧飯帶沙
天機不得問
暮色欲棲鴉

湖中

汀蒲獵獵起涼颼
碧藕香中獨立時
機事兩忘吾喪我
扁舟吟過水仙祠

以上鷗渚微吟

崇
暉

崇暉太宗九世孫嘗宰南安

九日山送客次趙循州韻

蒼松藏野寺山以隱君靈俯仰千年事孤高九日亭抗
顏頭漸白弔古眼猶青有客耽幽討吟情起鶴汀

南安縣志

崇
森

崇森太宗九世孫

春暖

春晴多得兩三日便覺暄于輕暑天行客停鞭爭買扇
侍兒啟筭請收綿把杯早自嫌溫酒盃手相將喜冷泉
此去西湖已初夏安排締綵上湖船

後村千家詩

崇纘

崇纘太祖九世孫居餘杭紹定五年進士

游九峯

九峯元不鎖俗駕自來稀
水石藏仙窟烟霞護羽衣
夜猿窺月叫曉鶴出松飛
擬結巢由伴眠雲隱翠微

洞霄詩集

必璩

必璩字玉淵號秋曉太宗十世孫家東莞登咸
淳元年進士任南康縣丞文丞相開府于惠州
璩攝惠州軍事判官入元隱溫塘村有覆瓿集
避地惠陽鼓峯用徐心遠韻

收拾當年破敕黃山中蕙帳夢魂香風供松葉暖茶竈
雲卧茅窗凍筆牀一雨鳴蛙亂深夜數聲啼鳥怨斜陽
風塵浩蕩愁如海那得中山醉酒方

覆瓿集

必范

必范號古一太宗十世孫桐江人月泉吟社第
二十名自署學古翁

前題

一歲農功只在春夫夫婦婦幾艱辛青門舊有種瓜地
綠野新添躬稼人早把牛衣教諸子欲修蠶具問良辰
夜來谷口東風過只恐逢人問子真

評云此卷八詩一起一結中六篇分詠三春節
序曲盡田園間景態如元日云卜歲聊憑六壬

課有生未識五辛盤元夕云幸有漁樵同此樂
苦無車馬自相諠社日云幾點飛花芳徑雨一
雙新燕荻簾風清明云茭白生苗藏蛤地桑黃
含堪浴鷺天皆佳句也今全錄其首篇
月泉吟社學古翁回詩賞劄云效休文之八詠
知類農歌拔毛遂于衆中尤高匠目矧謝池僅
止五字而魯語尤戒多為首而錄全思則過半
恭惟執事雙桐政美五柳門深續雅道于一綫
之餘亦言其興尋吟盟于千里之外夫豈無人
乃采艱辛之辭特置次癸之列月泉分艸雲壑
懷慙某夢斷釣天心游樂地視元穎可為至寶
奚有于今裁白苧而製深衣于馬學古

必拆

必拆抗人太宗十世孫白雲社月泉吟社第三

十名自署愛雲仙友

前題

一段佳山水芳時事正

一作事

妍犢耕青燒雨鶴卧碧

桃烟社老邀嘗煮鄰僧伴摘鮮莫嫌陶令拙農圃得餘

年

評缺

月泉吟社愛雲仙友回詩賞劄云田園歸隱風
欽彭澤之高風筆硯久荒難得石湖之秀句不
慙鄙劣冒爾擬騷誤辱甄收敢言奔殿敬惟執
事山林富貴軒冕錙銖釣月耕雲詐輸製錦傍
花隨柳雅稱調琴可見知幾之老成居然遠世
而肥遯適憑佳興用拂清人餌絲泉釣江湖貨

元顓賀珠璧此意古矣其利溥哉某溝壑餘生
泥塗下士有懷農圃靡就犁鉏茲效顰唐士之
五言恰轅足周南之一轂僅逃孫外免媿盧前
自謂狂吟思復青瑣而遠矣或云駝榜會歌白
亭以邀之

必撞

必撞東嘉人太宗十世孫

題梅山

一隱吳門訪北山深憐漢鼎尚多艱片言儻得回天聽

未必仙名滿世間

梅仙事實

必漣

必漣字仲連崇安人太宗十世孫有倚梅吟橐

濯足

小橋坐濯足澗狹水流急源頭夜雨多落花漾紅濕

崇安

縣志

饒之

饒之字子雍魏王廷美五世孫少學于陳無已

有句法

春日

拂牀敲枕晝初長
好夢驚回燕語忙
深竹有花人不見
直應風轉得幽香

墨莊漫錄

句

風生閭闔春來早
月到蓬萊夜未中

大觀初代府尹家
喬年上元應制

耆舊續聞

公碩

公碩浚儀人
魏王六世孫
餘抗令

慶元四年五月再游洞霄宮

舊時曾此覓仙緣一別于今四十年
白髮重來嗟老矣青山九鎖故依然
肩輿直入松間路洗耳還聽澗底泉
幽興未闌吟未就半峯斜日下平川

洞霄詩集

彦端

彦端字德莊魏王廷美七世孫乾道淳熙間以
直寶文閣知建寧府終左司郎官有介菴集

壽皇太子

九月四日

日日龍樓問寢時
雞人未動漏聲遲
前星一點朝天帝
只有清臺太史知

子晉吹笙未是仙
阿丕橫槩少全篇
小吟青著梅梢句
一日東風四海傳

大安宮裏漆園椿
子榦孫枝葉葉新
今日四株高下碧
相承一樣八千春

光堯初御六龍天
上直維參大火躔
天意分明昌宋德
誕辰三世總丁年

西湖志餘淳熙中孝宗及皇太子朝上皇于德壽宮周益公詩云一丁扶火德三合翠皇基蓋高宗生于大觀丁亥孝宗生于建炎丁未光宗生于紹興丁卯故也陰陽家以亥卯未為三合

壽張守

堂堂天上張公子龍劍分光自斗牛海上忽歸槎萬里雲間未放月中秋才為漢殿無雙手恩到閩中第一州亦有人言識仙骨不知何日是封留

以上聖宋名臣獻壽集

壽皇孫

前星炳煥領孫星環拱中天日兩輪四葉重光同聖世

千秋佳節近生辰
本支秀茂旦復旦
典學熙明新又新
喜入威顏天一笑
壽觴分賜一枝春

合璧事類前集

崇安道中

風柳踈無力
秋花冷不香
客情隨去燕
涼思起嘯蟬
地入閩山隘
天連越樹長
年年擣衣石
為爾感征裳

詩林萬選

玉真臺

在德興縣治後彥端為令時作

春色無窮巷
農鄉有太和
病嗟聞道晚
貧喜得閑多
徑草徐供步
鄰花護屢過
層臺宜抗榭
誰為買烟波

饒州府志

彥假

彥假字顯父魏王七世孫居閩慶元二年進士
翠蛟亭和羣栗齋韻

天下名洞天有山必有水餘杭山水窟神仙所棲止仙
人乘雲去玉蛟留潭底至今雷雨夕蛟睡時驚起爪劈
巖石裂石罅滴乳髓涓涓泉流出半垂白鳳尾風來琴
筑響月照纓絡侈曲折納深池徹底清且泚築亭當澗
衝木石相表裏翠壁潤含烟層峯去天咫道人幻出奇

指顧猶未已，忽驅蛟走鬪。瞬息八百里，怒氣挾奔霆。草
木為披靡，兒童驚震掉。面若槁灰死，達人本大觀。談笑
自隱几，須臾羣動息。靜坐窮物理，水石本無心。相激一
至此。

洞霄詩集

筴夫

筴夫字仲禮，居鄞魏王八世孫。觀文殿學士彥
逾子。紹熙四年進士。寶慶初，直祕閣，為湖南憲。
題化成巖

塵世有仙境清絕不可言寒江露沙迹曉嶂埋雲根暇
日推吏案呵道穿僧門來飲巖下水何必攜芳尊

袁州府志

立夫

立夫字德成樂清人魏王八世孫開禧元年進
士官至刑部尚書

臘日偶書

近日斗侵寅南天雪不成梅梢動生意禽鳥弄春聲
逐年華換身資藥力輕聽傳吳蜀事對酒不能傾

東既詩集

潜夫

潜夫字景壽號鶴所黃巖人魏王八世孫嘉定十六年進士寶慶初監澈浦鎮稅

弦風亭

怪他蟹舍蠓房地不是吟情住亦難數尺短牆圍晝寂
半鉤疎箔障春寒水生草滿蛙鳴合日薄花陰鶴夢安
底處青衫病司馬浩歌東望取琴彈

澈水志

庚夫

庚夫字仲白寓居興化軍魏王八世孫舉進士
不第以宗子取應得右選趙紫芝為晚唐詩名
冠四靈而仲白亞紫芝劉後村擇百篇為山中
集并誌其墓

劉後村跋仲白于古體寓其高遠于大篇發其
精博于短章窮其要妙

歲除即事

連夜縫紉辦今朝杵臼頻買花簪穉女送米贈窮鄰
宦薄唯名在年華與鬢新挑符詩句好恐動往來人

瀛奎
律髓

讀曾茶山詩集

茶山八十二癯仙千首新詩手自編吟到瘴烟因避寇
貴登從橐只棲禪新于月出初三夜淡比湯煎第一泉
咄咄逼人門弟子劍南已見祖燈傳

梅磎詩話紹興末曾茶山卜居于越得禹迹寺
東偏空舍十許間居之手種竹盈庭日讀書賦
詩其中公平生清約不營尺寸之產所至寓僧
舍蕭然不蔽風雨公詩有曰手自栽培千箇竹
身常枕藉一牀書蓋寓居時所賦也公年雖高
吟詠猶不輟莆田趙仲白讀公詩集有詩云云
蓋山陰陸務觀實從公學詩陸有劍南集行于
世故末句及之

落魄

落魄蕉衫戴道冠
菖蒲滿案浸清寒
有錢即買丹砂鍊
無病猶將素問看
連日游山僧共住
頻年乞米鶴同食
世間不朽非鍾鼎
曾與高人靜處觀

詩家鼎鑪

句

鶴殘籬外筍鼠舐墨中膠

稍得

詩句日從窗眼寫墨丸夜

入枕頭收

寄僧

貴耳集

密夫

密夫號竹溪魏王八世孫晉江人紹定二年進士

三脫麪

筍蕈初萌杞藥纖然松自煮供親嚴聞人食肉何曾鄙
自是山林滋味甜

山家清供

瓊夫

瓊夫號巖雲魏王八世孫

寄林可山

好春虛度三之一滿架荼蘼取次開有客相看無可設
數枝帶雨摘將來

山家清供

時伐

時伐魏王九世孫

種蘭

深林瘦徑傲朝昏牙髮消疎氣骨存九畹誰移炎海角
半庭新補冷雲痕浦翁認葉非漳種墨客知花是楚魂
從此國香春不斷光風滿地長兒孫

後村千家詩

時璿

時璿魏王九世孫丹陽令

題陳少陽先生上書橐後

虜騎昔長驅高屋建瓴水權姦誤國家和議甘飢餓遂
令九廟尊冒沒在棘枳帶甲百餘萬一嘯自披靡堂堂
諫議公屹若頽波砥叩閤斥時宰不惜用一死此死不
足道聞者自興起一木支大厦于時不可爾使早定大
計何物摩關壘可憐紹興間賻贈官其子我得覩遺橐

感慨寧已矣千載凜如生作者書于紙
盡忠錄附

時儋

時儋號竹所魏王九世孫

西禪餞董溪翁

西浦風寒水自流迢迢行李又歸休
今宵古寺吟邊酒明日長江客裏舟
溪路梅花催雪興旗亭竹色伴雲愁
還家更為明時出莫向漁磯老釣鉤

詩林萬選

時煥

時煥字元晦晉江人魏王九世孫嘉定十二年
進士官廣東運判

九日山送客

頻來因送客攜酒訪仙靈歸去成何事重來媿此亭天
寬野水白松潤石崖青倚杖思今古寒鷗落遠汀

南安縣志

若櫬

若櫬字自木號霽山崇安人魏王十世孫咸淳

十年進士

武夷茶

石乳霑餘潤雲根石髓流玉甌浮動處神入洞天游

高元

濟茶乘

即事

雲散春山出人閑白晝長禽聲荅空谷樹影晝斜陽種
果秋期實澆花趁晚涼行藏天已定隨分且徜徉

遇樵川林時中


建水樵川隔幾重相逢孰意大江東客行芳草斜陽外

春在柔柔小麥中
細雨疎田流水碧
殘霞擁樹遠林紅
浮生聚散渾無定
有酒何訪一笑同

暮春

香透蜂房蜨夢殘
一簾新雨又春闌
柳腰瘦得難禁舞
今夜東風莫更寒

以上崇安縣志



宋詩紀事卷八十五